

30 NOV 2001

MALAYSIA UTUS PERUTUSAN TAHNIAH KEPADA ROMANIA

KUALA LUMPUR, 29 Nov (Bernama) -- Pemangku Yang di-Pertuan Agong Sultan Mizan Zainal Abidin hari ini mengirim perutusan tahniah kepada Presiden Romania Ion Iliescu sempena hari kemerdekaan negara itu.

Dalam perutusan yang dikirim melalui faksimi oleh Wisma Putra kepada Bernama, Sultan Mizan mendoakan supaya Iliescu sihat serta mengharapkan keamanan dan kemakmuran yang berterusan di kalangan penduduk Romania.

Perdana Menteri Datuk Seri Dr Mahathir Mohamad juga menghantar perutusan yang sama kepada rakan sejawatannya Adrian Nastase.

Dalam perutusan itu, Dr Mahathir menyuarakan harapan supaya komitmen dan usaha Romania untuk meningkatkan pembangunan ekonomi negara itu akan menjurus kepada kemakmuran di kalangan rakyat.

"Saya berharap untuk bekerja lebih rapat dengan Nastase bagi memperkukuhkan hubungan baik yang sedia ada dan mengembangkannya dalam bidang kerjasama lain untuk manfaat bersama kedua-dua negara dan rakyat," katanya.

Menteri Luar Datuk Seri Syed Hamid Albar juga mengirim perutusan yang sama kepada rakan sejawatannya Mircea Geoana.

-- BERNAMA

AKT AKT ABG LAT